

Muftija Kozlić: Brojne posjete potvrđuju da je Ferhadija nedostajala Banjoj Luci

23/05/2016 22:47 by Administrator

Banjalučki muftija Osman ef. Kozlić izjavio je Feni da brojne posjete vjernika i turista, nakon svečanog otvaranja Ferhadije, potvrđuju da je ta džamija nedostajala Banjoj Luci. "Najavljuvao sam da tek sada slijedi, u pravom smislu riječi, otvaranje vrata Ferhadije", naveo je ef. Kozlić precizirajući da imaju veliki broj posjetilaca i vjernika, svih životnih dobi, iz svih gradova BiH, a i da se ponovo vraćaju i oni koji su bili na svečanom otvaranju 7. maja.

Među posjeticima ima i veliki broj turista, stranaca, Turaka, Indoneziana, Malezijaca. Nakon otvaranja Ferhadije nije bilo, kako potvrđuje, nikakvih problema, i ubjeđen je da će je tako i ostati u narednom periodu. U haremu (dvorištu) Ferhadije i danas je u poslijepodnevnim satima bilo dosta građana, koji su došli da pogledaju prvu kolektivnu izložbu fotografija pristiglih na Ferhadija foto-natjecanje, organiziran povodom svečanog otvorenja te ponovno sagrađene banjalučke džamije. Muftija Kozlić podsjeća da je izloženo 37 najuspjelijih fotografija 17 autora. To su Uglješa Jotanović, Saša Knežević, Luka Vranješ, Ranko Bujić, Darko Gavrić, Nera Simeunović, Borislav Brezo, Darija Malešević, Mirza Konjo, Predrag Bošković, Slobodan Rašić Bobara, Sulejman Muratović, Sandi Ahić, Abaz Velić, Amir Bašić, Mehmed Pargan (Alan Širić) i Samir Zahirović. Foto-natjecanje organizirali su Banjalučki muftijstvo i BMG "Bosanska medijska grupa, a pristiglo je više od hiljadu fotografija, od čega je u izbor ušlo 300 onih koje zadovoljavaju visoke profesionalne kriterije. Prvo mjesto i nagradu Ferhadija Diamond, u vrijednosti od 1.500 KM osvojio je Uglješa Jotanović iz Tešnja. Drugo mjesto i nagrada Ferhadija Gold od 1.000 KM pripala je Saši Kneževiću iz Banje Luke, dok je treće mjesto i nagradu Ferhadija Silver, od 600 KM osvojio Luka Vranješ iz Banja Luke. Specijalnu nagradu publike Social media "mini laptop" osvojio je Samir Zahirović iz Tuzle, s najviše klikova "Sviđa mi se" (lajkova) na Facebook stranici. U ime BMG Mehmed Pargan podsjeća da je Banja Luka, nakon ratnog perioda, gotovo ostala bez fotografija Ferhadije, što se na neki način kompenziralo kroz ovaj natjecanje. To što autori tri pobjedničke fotografije nisu Bošnjaci govori, naglasio je, da je Ferhadija napravila mnogo više od otkrivanja, jer je kod ljudi izazvala želju da fotografišu njenu ljepotu. Sve fotografije bit će objavane u fondusu Islamske zajednice Banja Luka i arhivima u BiH. Izvor vijesti: klix.ba, medzlis-bl.ba